

En servetsch dals uffants, giuvenils e da las famiglias

Dapi 90 onns datti la Pro Juventute

■ (anr/gc) 1912, pia avant 90 onns, è la Pro Juventute (PJ) vegnida fundada cun l'intent da promover ils uffants, giuvenils e las famiglias. Oriundamain èsi i primarmain per cum-batter la tuberculosa tar ils uffants. Ma gia ils onns suandants ha la PJ extendi ses radius d'acziun cun meglierar la puericultura. Era per sviluppar ina politica effizienta durant il temp liber da la giuventetgna ha la PJ lavurà fitg.

Sco ina activitad main gloriosa è sa mussada pli tard il provediment intervegnent u la resocialisaziun d'uffants da zagrenders che ha durà da 1926–1973. Questa politica ed acziun è vegnida criticada zunt fitg posteriuramain, avend ins savens stgarpà durant quels onns ils uffants da vagants ord lur famiglias e mess els en instituziuns u famiglias burgaisas.

OSL ed autras bunas accziuns

1931 ha la PJ institui l'Ovra svizra da lectura (OSL) per la giuventetgna. Questa ha edì numerus carnets da lectura per la giuventetgna, en tuts linguatgs nazionals, uschia era els idioms

rumantschs e per tuts stgalims da scola. A l'exposiziun naziunala 1939 a Turitg, la Landi, è la PJ sa preschentada cun ina chasa per la giuventetgna cun lavuratori exemplarics per il temp liber.

Be in onn pli tard ha la PJ introduci il servetsch champester per giuvenils, oravant tut sco sustegn per ils purs da muntogna, ed il servetsch da practican-das sco agid social. L'onn 1958 ha la PJ realisà a l'exposiziun per lavurs da dunnas il model per in center da cuminanza sco ella aveva gia avert in onn pli baud a Turitg. Era ha la PJ promovi il gieu per uffants e plazs da far termagls e sustegni las stentas per ina igiena da dents effizienta.

Era scolà ils geniturs

La PJ ha era intermedià engaschis socials ed inizià 1968 l'instituziun da la cumissiuon federala per dumondas da giuventetgna. Dapi ils onns 60 è la PJ s'engaschada fitg per la scola-ziuon dals geniturs. Ella ha edì las «Brevs als geniturs» per cussegljar quels. 1971 ha ella schizunt fundà in'atgna chasa editura. Era cun ils scolasts è ella sa

gidada sin il champ da la scola-ziuon speziala pertutgant la sanadad. Dapi ils onns 80 sa concentrescha la PJ sin la prevenziun a la toxicomania ed ha svilup-pà persuerter tant programs d'acziun sco in film.

Activitads actualas

Oz s'occupescha la PJ spezial-main cun cussegljar geniturs, la tgira d'uffants, la promoziun dal gieu, la lavur cun e da giuvenils e per sustegnair la cuminanza sco era cun l'agid al singul u a famiglias.

La basa da tut questa gronda activitad furman ils ca. 6000 collavuraturAs voluntariAs, acti-ivs en ils 191 circuits da la fundaziun. Els procuran ch'ils projects e las accziuns dals ca. 100 collavuraturAs en incarica cum-plaina vegnian realisads sin basa regiunala e locala.

Marcas spezialas per quest onn

Per ses 90. anniversari vegn la PJ ad edir quest onn ina seria da marcas postalas spezialas – cun diversas sorts da rosas – tenor propostas dad *Anne Marie Trechslin*, Berna. Data d'edi-ziuon: Ils 19 da november.



Oz s'occupescha la PJ spezialmain cun cussegljar geniturs, la tgira d'uffants, la promoziun dal gieu, la lavur cun e da giuvenils e per sustegnair la cuminanza sco era cun l'agid al singul u a famiglias.